

بِسْمِ اللَّهِ الرَّحْمَنِ الرَّحِيمِ

INÍQ-TUSMAYNTA MAGACYADA EEBBE

اللَّهُ

1. Allaahu waa magac uu ku tusmeeyey Ilaah ahaantiisa koroo waa Ismullaahil'Acdam.

الرَّحْمَنُ

2. Rabbiga weeye makhluuq u roonoo dūnida kala reebid la'aan raxmád wéyn u fidsha.

الرَّحِيمُ

3. Waa Raxiimka gadaál nimcò raagtiyo khayr raalli kuu ka noqdo raaxò siiya mugweyn.

الْمَلِكُ

4. Boqor weeye makhluuq mulkiyoo dhan leh oo kèli maalintaWeyn maamulkeeda qunsha.

الْقُدُّوسُ

5. Qaaye buuxid ebyoon Kan weeyaan quwad loo qummaan u qalmoon ceeb lahayn qabadta.

السَّلَامُ

6. Waa Kan koonka samáán degganáán ka simoon qadderkiisa sugní sarma'seegto lahayn.

الْمُؤْمِنُ

7. Kan weeyaan martabayn mudnáán siiya weloo badbaadshoo mu'minka kan rumeeya bila.

الْمُهَيَّبُ

8. Maariskoodiyo siin beryo deyn makalkood waa Kan mooliska uun dháb u maamuli og.

الْعَزِيزُ

9. Cissiyoo idil waa Kan qudhoo cudud loon cid awoodi karta caabbintii la arkin.

الْجَبَّارُ

10. Waa awòòd jirta Kan xoog leh oo wax jaroo an cid joojin kartaa qadderkiisa jirin.

التكوير

11. Waa Kan aanu makhluuq méél ka shaabbihin oon lagu keenin malayn ahaantiisa mudan.

الخالق

12. Alkun'uun khalqidtaan Kan weeyaan khalqiddu keli khaas u tahoo khayrka oo dhan baxsha.

البنائي

13. Uumidtaan bilaw ah bawsi dheegad la'aán waa Kan beer alkuma firi béér noqodta.

المصور

14. Suuradaynta makhluuq Kan weeyaan kala muuq sannifoo mid ba qaab midabayn ka dhiga.

العقود

15. Qadaf uun galay waa Kan qudhoo caffiyoo quluubaa asturoo ceebohooa qarsha.

القهار

16. Wax kastoo qoran waa Kan qunshoo fuliyoo aan la qoormarin tuu qadderoo socodta.

الوهاب

17. Waa Waxsiinbadane nimco àad u mugweyn wuxuu doono baxsha iyadoon la warsan.

الرازق

18. Kan weeyaan rissiqqa siiya ruux kasta oo u roon oo naf walba rugtay joogto ku og.

الفاحش

19. Arrin fool adag waa Kan furdaamiya oo wax kastoo wax fura ferej oo dhan hayya.

الغيب

20. Cilmiyoo idil waa Kan leh oo curshay oo cindiyo dhan ogsoon sir cúb dheer ku jirta.

القيصر

21. Kan weeyaan quwad loo qadderkiisu fuloo qofkuu doono ba uun quudintiis ka jara.

البَلِيْطُ

22. Waa Badhaadhshaha Weyn Kan barwaaqo mugweyn raxmád baahdiyo khayr keligii bixiya.

الْخَفِيْضُ

23. Kan weeyaan khalqiga kaan ka khoofin qabtoo khaatir hoojiya oo sandulleyn ku khasba.

الرَّافِعُ

24. Koonka waa Rabbiga tiir la'áan ragkiboo kii rumeeya sí wéyn ugu roon mu'minka.

المُعَبِّرُ

25. Kan weeyaan martabáyn midkuu doono milgéyn miiganaán iyo xoog ku madtaansha tamár.

المُذَكِّرُ

26. Kan uu maago makhluuq waa Kan muuqdila oo dulleeyo mudhxiyoo magacebel ku rida.

السَّمِيْعُ

27. Síir kastuu yahay waa Kan og sawd baxayoo cod yar oo sanqádh ah sida wèyn u maqla.

البَصِيْرُ

28. Wax kastoo báryar waa Kuu beyaan u yahoo dhaaye buuxa lehoo baaddinkoo dhan arka.

الحَكِيْمُ

29. Xaqqa waa Kan simoo xèèrín beegíd sugoon xukunkuu fulaa xagaldaacid lahayn.

العَدْلُ

30. Caaddil weeye dhaboo caynsha kii dulman oo caddeeyoo xaqqa aan uga xeeban cid na.

الطَّيْبُ

31. Kan weeyaan lur la'aan ku ladhoo khalqiga ku ladaabsha wanaag ladni aan ka go'in.

الْخَبِيْرُ

32. Kan weeyaan qudha oo qabar oo dhan hayyoo qalbi oo dhan xogtii sirihii qun u og.

الحَيِيمُ

33. Xadan waa Kan dūlweyn oo xaddhaafa lehoo u xeebtoo khalqiga ifka aan ka xadgoyn.

العَظِيمُ

34. Waa Kan ay cid haddàà cayntusmayn karin oon weynaantii caqli'uun cabbirsheeg ku helin.

الغَفُورُ

35. Waa Qaffuura-Raxiim qadafdhaaf badan oo toobadkeen qaddershoo qofka saamixi og.

الشَّكُورُ

36. Kan weeyaan shukrinnaq shacni gaara lehoo shaqo fiican gunnayn tobanlaab ku sharfa.

الْعَلِيُّ

37. Waa sarrayn iyo xoog Kan lehoon àhidii iltusmáyn afkashsheeg erey koobi karin.

الكَبِيرُ

38. Kaammil weeye ka'weyn mid kas uun garto oo Issagoo keliyaa korrayntiisa yaqaan.

الْحَفِيزُ

39. Kan weeyaan xafidaad xannaanáy badan oo an xaggiisa wax ba abidkood ku xumaan.

الْمَقِيبُ

40. Waa Mas'uuliyadqaad Kan makhluuqqa dhaqoo síin mugwéyn iyo dééq kadab màwl ah baxsha.

الْحَسِيبُ

41. Waa Xilqaadaha uun xaajadooda qunshoo uu makhluuqqu xurquun xaggiisuun ka helo.

الْجَبَلُ

42. Waa Kan Weyni jirta jamaal oo dhan lehoo ahi aan jin dhinnaan joogó tiisu tahay.

الْكَبِيرُ

43. Kan weeyaan karam weyn awood kaamila loon kadabkuu bixiyaa kala joogsi lahayn.

الرَّقِيبُ

44. Rabbi weeye ogsoon waxxa ruux falayoo Kan weeyaan rúg kasta rún aháán u arka.

المُجِيبُ

45. Kan weeyaan maqla oo mid durraantay arko ka maarmoo khalqiga u muraadqumiya.

الرَّوْعُ

46. Raxmád waasac ah waa naryò wèyn Kan baxshoy wada gaadhho makhluuq waxsiintiisa badni.

الْحَكِيمُ

47. Kan weeyaan xikmád weyn oo xaddhaafa lehoo xukunkuu fuliyaa uu xaqqiida yahay.

الرَّوْدُ

48. Waa addoommada Kan u wanaagsan dadkoo weligiisu jacayl xubbi wéyn u hayyo.

المُجِيبُ

49. Milgò oo dhan wacnáán waa mudnáán Kan lehoo faxan oo sí mugwèyn wax u siiya makhluuq.

الْبَلْعُ

50. Waa Kan soo baxsha uun Ayaantuu ballanshoo russul baaqqa fidshoo badan soo hormarshey.

الشَّهِيدُ

51. Waa Kan shay kasta ba shaahidoo arkayoon sha'ni uu yahay ba wax ka sheelli jirin.

الْحَقُّ

52. Waa Kan xeerka dejoo xaqsooro keligii xukunkiisu fuloo lagu caabudo xaq.

الْوَكِيلُ

53. Uunka waa Kan qudhoo ka wakiilka ahoon ku' xilsaartay waqqii wiiqmin aanu mar na.

القَوِيُّ

54. Qudrád wèyn iyo xoog Kan weeyaan qudwád loo qaaddiroo wax fulshoon laga qaalib noqon.

المتير

55. Waa mugdhaaf Kan awood xoogga miidhan ahoon an u raadsan macuun xukun meelmarinta.

الولي

56. Kan weeyaan wada loo wax kastaa ba wadoo jecel oo sida wèyn ugu hiilsha wéli.

الحميد

57. Xaal kastoo jira waa Kan qudhoo xamdinnaq xurmo oo dhan ammaán keligii xaq u leh.

الخصي

58. Cilmi aad u mugweyn waa awood ma'wiya maarayntiisa ebyoon Kan ku meersha aqoon.

البري

59. Unkid kow maamín waa Kan meelaan wax jirin alkun-mèeriska uun ka abuura makhluuq.

المعيد

60. Waa Kan uunka melgoo soo celshoo mar labaad diloo geeya makhluuq minankaan la dhiman.

المحي

61. Waa mankhluuqyada Kan ku mannaysta naftoo qudhaha maanka cuddoon nolol uuma macaan.

الميت

62. Waa naf nool melgiddeed Kan qudhoo magkaloo ifka uun ka madhshoo mawdka laaya amra.

المحي

63. Waa xaqiiqada Kan xay ah soo jirey oy nololshiisu xaddhaaf xilli aanay lahayn.

القيوم

64. Qun u joogidda waa quwad aan taban oon ka qadtoobin mar na qadderkuu fuliyo.

الواجد

65. Wax kastuu qaddero Kan weeyaan qumiyoo qudrád weyn iyo xoog abidkii quwad leh.

المجد

66. Cissi oo dhan milgeyn iyo waa martabayn Kan maqaam ba maqaam ka sarreeyo mudan.

الوجد

67. Kow Kan weeye qudhoo Waaxidoo keliyoon cid wuxxuu khalqay aan la wadaagti jirin.

الصمد

68. Waa Kan kaalmò sughan siiya oo khalqigu ka sùgoon li'idii wax ba suuraggelin.

القادر

69. Kan weeyaan qudha oo qaaddiroo wax walba qun u oofin ogo keligii wax qunsha.

المقتدر

70. Waa hoggaamin mugweyn iyo moolis korrayn Kan ku maamula uun miiganaàn sargo'an.

المقدر

71. Kan weeyaan mayalka muddagoynta hayyoo martabayn deddejoo mil fog soo hormarsha.

الموجر

72. Wax markaa dhici laa waa gadaal Kan marshoo wuxxuu maago celshoo meel danbeedto dhiga.

الأور

73. Waqqii waa Kan ahaa Kow Ilaahha qudhoo keliyoo jiray oo ka horreeyey ahàan.

الأخر

74. Dhammi uunka markii uu dhammeeyo makhluuq waa Kan aan dhiman oo dhab aháan u jiri.

الظاهر

75. Waa daliil sughan Kan sida daahirka ah ka dúndheegad makhluuq loo daymassugto.

الباطن

76. Sida buuxda qun waa Kan ogsoon bedenkuu baaddinkuu khalqay toos beyaan looga arko.

الْوَالِي

77. Wax kastoo jira waa Kan leh oo wadartood waddaduu u garto waafajoo mariya.

الْمُتَعَالَى

78. Waa Sarreeye mudnáán mudní oo dhan leh oo ceeb ka maydhan xumoon midh dhaliila lahayn.

الْبِرِّ

79. Kan weeyaan wax baxshoo u badshoo beriyeel uunka baahitiroo aan hungèyn kan barya.

التَّوَابِ

80. Dembi waa Kan tiroo la tuugoo la baryoo u tawaàba addoon toobadkeen la yimi.

الْمُنْقِمِ

81. Kan weeyaan murtadka markuu doono qabtoo midka diida ciqááb malkisiya kaggoyn.

الْعَفْوِ

82. Kan weeyaan caffiya cid gaboodfalshay oo asturoo cindiga ceebta aan kashiffin.

الرِّفْقِ

83. Waa Raxiim khalqiga jid u roon mariyoo denbidhaaf rissiq weyn raxmad siiya badan.

الْمَلِكِ

84. Waa mùlkiilaha uun mùlkiyoo dhan leh oo maamuloo qudh ahoy tiisu meelmar tahay.

الْجَلِيلِ وَالْأَكْرَمِ

85. Milgò weyni jirtoo idil waa Kan jalaal jamaal oo dhan korrayn karam joogto ah leh.

الْمُقْسِطِ

86. Waa garsoor mudan Kan wax ku moolisa oo xaqqa siiya madluum daalin uu ka marsho.

الْجَامِعِ

87. Waa Jaliilka wanaag jira oo dhan lehoo jamcin uumanka oo wada joojin mar ban.

الغنى

88. Kaaftoon waa Kan qudhoo qaniyoo dháb aháán wax qaybshoo keligii quuddarrayn la sùgo.

المغنى

89. Waa qaniimiyo hayn Kan qudhoo bixiyoo qofka siiya adduun qani uu ku noqdo.

المانع

90. Màwle waa Kan wuxuu rabo maanaca oo ka na jooja makhluuq midkuu doono waxsiin.

الضار

91. Dhibta daarta makhluuq waa Kan soo dejiyoo daannayn aan cid kale wax ba aanay durrayn.

النافع

92. Kan weeyaan nacfi wèyn naryò buuxda baxshoo duríd nooc kasta ba cééb ka dùùn nassahan.

النور

93. Waa Kan nuura ifkoo ku nooleeya xaqqoo hàga oo náf lunsan ku nimcaysta ilays.

الهادى

94. Waa Hàdèèyaha Kan keligii wax hàguu ku hananuunsamo uun qawlka uu ku hadlo.

البايع

95. Waa wanaag badan Kan biligiisa ebyoon cid tasmáyn barbardhig ku beegtooni jirin.

الباقي

96. Wax kastaa ba kolkuu baaba'oo baso waa Boqor sii jiriyoo abid baaqi aháán.

الوارث

97. Kan weeyaan jira oo wiqqii sii jiriyoo waariyoo keligii wax walbaaba dhaxli.

الرشيد

98. Rabbi weeye hanuun siiya kuu la raboo ka reeboon dhadhdhansiin kaan rumayn raxmadda.

الصبوح

99. Waa dulqaad samir weyn Kan sùgààl sal lehoo sárgoyn suu u dhigay u socdaan wax walbi.

Eebbaa Mahad leh

Saalax Xaashi Carab,
Jabbuuti, 29.01.2005